



PLANTER

Estd-5.2.1982



MOTTO : "PRO-CHRISTI ET ECCLESIA" (FOR CHRIST AND THE CHURCH)



Highlights

SECONDARY LAM CCA HOUSE HRUAITU THAR THLAN ANI

May 10, 2024 (Zirtawpni) khan School Multipurpose Hall-ah kum 2024-25 Academic Session chhunga CCA House hruiatu tur (Secondary lam) tuang taka thlan chhuah an ni a. Secondary atang hian Asst. Leader leh Asst. Secretary hna chelhtu turte thlan an ni. Higher Section atangin Leader, Secretary leh Treasurer hna chelhtu turte hi Class XI lo luh hnuah thlan chhuah leh tur an ni thung. Heng mite hi thlan chhuah chu an ni e:

Green House

Asst. Leader:
Lalmuanzuala, X/C-164
Asst. Secretary:
Lalrinpuii, X/E-250

Red House

Asst. Leader:
C. Malsawmzuala X/B-91
Asst. Secretary:
Lallawmawma, X/E-288

Yellow House

Asst. Leader:
Lalpekhlua, X/D-220
Asst. Secretary:
Joy Thanglalsiama, X/C-161

Blue House

Asst. Leader:
Jonathan Lalruatpuia, X/C-159
Asst. Secretary:
Joshua V.L. Remruata, X/E-285



STAFF RETREAT NEIH ANI

15th May, 2024 : Mission Vengthlang, Aizawl: March 3, 2023 (Zirtawpni) khan Synod Higher Secondary School-a thawktu zawng zawngte pualin Staff Retreat neih a ni a. Hemi ni hian zirlaite chuan School an chawl thung a ni. Staff Retreat hi kum tin neih thin a ni a, thawktute'n an hlawkpui thei hle a ni. Hetiang hunah hian pawn lam atangin mi thiam, thusawitu atan hman thin a ni a, tun tumah pawh hian Rev. Zosangliana Colney chu thusawitu a ni.



Hetiang hi hun hman dan a ni:

10:30am - 11:45am

Hruaitu : Pu Lalsiammawia Fanai, Principal
Tantu : Pi Lalliantluangi
Thusawi : Rev. Zosangliana Colney

11:45-12:30pm Lunch Break

12:45pm - 2:00pm

Hruaitu : Upa Rodingliana
Tantu : Pu Lalramhluna
Thusawi : Rev. Zosangliana Colney

SYNOD HSS CLASS XI ADMISSION 2024-2025 CHUNGCHANG

1. HSLC Result chhuah tuk atanga ni 5 (Working Day) chhungin School atangin Application Form lak theih a ni.
2. Direct Admission ti thei (Admission Form-ah tar lan a ni ang) te'n HSLC Result chhuah atanga ni 2 chhunga tih tur a ni.
3. AMC Area pawnna mite'n Kohhran lehkha thil tel tur a ni.

Editor

Lalthantluanga Chawngthu
Mb. No. 8014344688

Joint Editors

F. Lalrinzuala
Vanlalremruata

Civ. Managers

Lalrinzuali
Rebecca Rosangpuii
Esther Lalruatkimi

Editorial**Board***News Editors*

Lalrintluangi	XII/A-7
Lalrinzuali	XII/C-1
Mesak Lalrinhlua Varte	XII/C-34
Remruatfela	XII/D-65
Marcus Lallawmawma	XII/E-69
Lalthianghlimi	XII/F-45

Editorial...**HLAWHTLINNA**

Hlawhtlinna leh hlawhchhamnate hi a chhawr thiamtu apiangte chuan vanneihpui nan an hmang thin. Hlawhtlin avanga chapo chiam emaw, a hmaa kan nun dan hloh emaw kha thil tha lo tak mai a ni a, hlawhchham avanga beidawnga kun tlawk tlawk emaw hlawhtlinna chang ngei tura thawhrim tumna hloh emaw chu a tha leh chuang hauh si lo.

Kan zirlaiah emaw, thil dangah emaw hlawhtlinna chang ngei turin bei sauh sauh ila, chumia kan lo hlawhchham palh a nih pawhin han bei nawn leh tlah tlah ila, a tawpah hlawhtlinna chu kan ta a lo ni mai dawn a ni.

Mi hlawhtling kan teh dan hi a inang kher lo mai thei a. Zirna emaw, eizawna emawa sang tak thlengte hi mi tam ber chuan mi hlawhtlinga kan ngaihte an ni ang. Khawvelah chuan sum leh thil tih theihna hi kan ngaih pawimawh em em pakhat a nih avangin, hetiang dinhmun han thlengte hi mi hlawhtlingah kan ngai furin a rinawm. Dikna chen pawh a awm ngei ang. Chutih rual chuan, kan hausa emaw, rethei emaw, hmelftha emaw, hmelfhia emaw pawh ni ila, kan hringnunah hian hlawhtlinna pakhat nei vek thei kan nih hi ka ring a. Chu chu hei hi a ni.

Mi dang hmuh tlin lohna kan nei thin ang ti raw? An tlin lohna aiin an thatna hmuh i tum teh ang chu. Chutia kan tih theih phawt chuan kan nun pawh hi a hlim phah ngei ang. Kan hlim chuan mi dangte nena kan inkungkaihna pawh a lo tha zual ngei ang.

*Article***INṬHIAN ṬHATNA**

- Lalramchhani Fanai, XII/A-6

Inṭhian ṭhatna kan tih hian inlaichinna thuk tak, thisena inlaichinna zawnga thuk leh thianghlim ber kan ti thei awm e. Inṭhian ṭhatna hian mihringte nunah hian nghawng tam tak a nei a, thil tam tak zirtir a nei baw. Kan ṭhianta hi kan nuna mi pawimawh berte zinga mi an ni a, mi tam tak chuan an hlutzia leh pawimawh zia kan hmuh hmah fo thin. Ṭhian chu eng zat pawh lo nei ila, ṭhian ṭha chu a let tam takin an hlu zawk a, mi tu pawhin a nuna ṭhian ṭha tak a nei a nih chuan, chu mi chu khawvela mi vannei berte zinga mi a ni kan ti thei awm e.



Inṭhian ṭhatna hi siam tur chuan inrin tawna, inzalhthiamna leh inhmangaih tawna dah pawimawh hle a ngai a. Min zah thiam a, min ring ngamte chu mi tu pawh hian kan ngaina reng a ni. Ṭhian ṭha chuan kan tan engkim tih an huam a, eng dinhmunah pawh lo ding ila, kan tan tih hreh an nei ngai lo. An mitah chuan kan dik lohna leh kan ṭhat taw lohnate chu khuh bo ang maiin a lang thin a, kan ṭhatna lai erawh an hmuh hmah ngai lo thung. Inṭhian ṭhatna hian mi tha zawkah min siam thei a, kan nuna khaw dur lai te a ti eng a, kan lungngaihate chhawk zangkhaiin kan nun a tihlim thin.

Ṭhian ṭhate hnen atang chuan kan nun hlim taka hman dante kan zir a, thil reng reng a eng lam zawnga thlir thiam dan te, chhel taka kan hmaa thil lo thleng tur hmachhawn dante leh huaisen taka beih tang tangte kan zir a. Kan mamawh laia kan tana lo pen chhuak ngam tehi kan ṭhian ṭha leh ṭhian dik takte chu an lo ni. Kan lungngaih lain kan lungngaihna min ṭawmpuiin min hriat thiampui a, kan hlim leh lawm ni ah te min lawmpui thiam baw. Inṭhian ṭhatnaah hian itsikna hian hmun a chang thei lo a, kan tan an awm reng thin.

Ṭhian ṭha hi mi tu pawhin kan nei thei a, kan nei a nih chuan kan hmangaihkan kan ngai pawimawh hle tur a ni. Kan tana an hlutziat hre rengin, an tana kan tih ve theihthe chu thil harsa tak pawh lo ni se kan theihtawp chhuahin, an tana ṭhian ṭha tak kan nih ve theih nan kan inhuam ve tur a ni. Engtikah nge he khawvel hi kan chhuahsan dawn tu mah hian kan hriat loh avangin he kan dam chung rei lo te ah hi chuan kan ṭhian ṭha te hi an hlutzia i hre reng ang u.

Poetry

NOTHING LAST FOREVER*-Deborah Lalnunsangi, IX/A-23*

And like the baseless fabric of this vision,
The cloud capped towers, the solemn temples,
The gorgeous palaces, the beautiful forest,
The breathtaking scenery and the great globe itself,
And all which it inherits shall dissolve,
And like this insubstantial dreams, fade away,
Leaving nothing behind, rushing into the melancholy
mist.

Poetry

MALSAWMNA LO NI ANG CHE*-Lalrotluangpuii, XII/E-28 (2022-23 Batch)*

Zosapte tualrawn lènna sira,
Krista leh Kohhran tana ding;
Thiam zirna rûnpui,
Synod Higher Secondary School.
Rual û te rohlu,
Thangtharte beiseina kengtu.
Rokunga Chite lui iangin,
Piallei a ral hma loh chu;
Nghet takin ding zel la,
Thangtharte tan malsawmna lo ni ang che.

DEVOTION PROGRAMME : MAY, 2024**16th Thursday** : Song Practice (LRC)

Bible Reading & Prayer: R. Lalhriatzuala, XII/A

17th Friday

Chairman: K. Lalremruata (KLR)

Bible Reading & Prayer: Maxi Biakhluzuala, XII/A

20th Monday

Chairman: Lalrindiki Hauhnar (LRD)

Bible Reading & Prayer: Amber Rinpari, XII/D

21st Tuesday

Chairman: Lalremliana (RL)

Bible Reading & Prayer: C. Lalbiaktluangi, XII/D

22nd Wednesday

Chairman: Timothy Vanlalchhuanga Ngente (TV)

Bible Reading & Prayer: Esther Lalchhanchhuahi, XII/D

24th Friday

Chairman: Lalruatkima Ralte (LRK)

Bible Reading & Prayer: Freda Zonunsangi, XII/D

27th Monday

Chairman: Lalzuimawii Tlau (ZM)

Bible Reading & Prayer: H. Lalremsiami, XII/D

28th Tuesday

Chairman: Lalduhawma (LDA)

Bible Reading & Prayer: C. Lalduhsanga, XII/E

29th Wednesday

Chairman: Rodingliana (RD)

Bible Reading & Prayer: C. Lalruatkima, XII/E

30th Thursday : Song Practice (VL)

Bible Reading & Prayer: C. Zonunfela, XII/E

Article

THEIH TAWPIN AW*-Lalrintluangi, XII/A-7*

Mihring hi kan pian chhuah hma aţang daih tawha inelna hma chhawn kan ni a, nu pum chhunga awma lo piang chhuaj turin chi maktaduai chuang kan intlansiak a. Chutah chuan hnehna chang tu nge? Nang leh kei hi kan ni.

He khawvel, mi tluklehdingawn 8 zet chennaah hian inelna a sang tawh em em a, chuta dam khaw chhuak ve tur chuan kan beih ve fe a ngai a ni.

Mihringte hlawhtlinna tura daltu lian tak chu beidawmna hi a ni. Mi, a wawikhatna emaw, wawi tam tak a hlawhchhamnaah a beidawng a nih chuan a hma lam hunah eng nge chhuan tur a neih ang le? Beidawn ai chuan beiseina tlemte neih pawh a hlawkthlak loh em ni?

Mi tam tak, he khawvela beisei leh chhawn tur nei lova ral ta an awm; chung zingah chuan i lo tel ve palh hlauh ang e aw...Chi maktaduai chuang intlansiak zingah pakhatna i ni tih theihnghilh ngai suh. He khawvelah hlawhtlinna chang turin eng anga kawng harsa pawh tawka tuar turin i lo piang chhuak ta sa sa, engah nge a tawp thlengin i beih loh ang le?

Thil hi a eng zawnga thlir reng theih loh chang a awm ang, chutah pawh chuan a eng zawngin thlir tlat rawh, chu chu beiseina a ni.

I nun zin kawngah kawng dang a awm tawh lova i ngaih pawhin kawng pêng chhete a la awm tih hria la, chu kawng chu bumboh leh harsa zawk a nih pawhin zawh hram hram tum rawh. I tum ram thlentur tur che a nih theihnghilh ngai suh.

I tuar tichhel la, Pathian rinchan tlat chungin hlawhtlinna chu i theih tawpin ûm ang che.

SCHOOL-IN CAMERA ȚHA TAK KAN NEI TA

Media & Documentary Committee hma laknain kan School chuan Camera Țha tak mai, cheng nuai chuang man chu a lei fel ta a. Camera thar hi Media & Documentary Committee-te chuan May 10, 2024 (Zirtawpni) khan Principal kutah hlanna an nei a ni.



Article

HETI ZAWK HIAN AW

-Lalzuimawii Tlau, Lecturer

A Siamtuin a thilsiam tinreng a en a, tha a tih em emte zinga tel ve, thilsiam zawng zawng zinga chungnung ber, a Siamtu anpui ngata siam ni mah ila lungawi a har thin; mahni han in en hian. Mi fate an nalh si, an hmel a tha bawk si, inkhelh thiam tak tak te an ni a, zai thiam tak te an ni bawk a, sawisen pawh a ni lo ve. Siamtu hian duhsak bik a nei han tih rikngawt lah a ni chiah bawk si lo, ngaihtuah thiam a har ngei mai. A nih leh heti zawng zawk hian ngaih dan siam chin ang hmiang; lungawi lohnate pawh a hnem mial mah na -

Ka pumrua hi a lian lo na-a, ka thluak hi chuan thil a tithei vein palian thluak a mamawh bik lo.

Ka mitmeng hi a mawi lemlo na-a, hman atanga tun thlengin zing thawh tih phat atanga a hnathawh ropui hi ka chhiar seng lo. A tel lo chuan thilsiam mawina leh thuziak ropuite hian awmzia a nei hlawl lo.

Ka hnar hian duhthu sam lo hle mah se, a tel lo chuan eng rimtuina mah hian awmzia an nei lo. Ka nunna tura boruak tha hip luta a chhia paih chhuak lehtu tluka hlu leh tangkai hi ka sawi sel phal thlawt lo.

Ka ha hi nalh lo hle mah se, a tel lova thil ei chu ka zuam lo a, mi hmaa nuih pawh ka ngam hek lo.

Ka sam hian duhthu sam lo mah se, a tlak kawlh palh hlauha ka lu awm dan tur ka ngaihtuah hian ka ngaingam thlawt lo. Ka lu um nalh lo tak a lo khuh mawi ve hram hram hi ka tan chuan a hlu em em ringawt a ni.

Ka aw mawi lo tak hian mite suktir dual dual ve loin leh engtikah mah thupuangtu atan thlan ni dawn lo mah se, mi dangte thu leh hla hmanga min pawhtirtu, ka tan malsawmna ropui a ni.

Ka vunte hi mam nalh lo hle mah se, ka ruh leh tisa khuh mawitu atan a aia tha leh tlo thil dang ka hre chuang lo.

Ka kutte hi no nalh hran lo mah se, a tel lo chuan eng mah ka ti thei lo. A hnathawh ropui hi thu pakhat ringawtin a khaikhawm zo lo a, wawi lehkhata sawi zawh chi pawh a ni lo.

Ka bawpte hi sang thlerh thlawrh lovin, a nalh avang leh a them thiam avangin lawmmante dawng lo mah se, ka duhna hmun min hruai thleng thin a, rinawm tak leh thuawih takin ka tan a thawk thin.

An vaia inzawmkhawma mihring min nihtirtu kan taksa peng hrang hrangte hi an pawn lam lan dan ni lova an tangkaizia han chhut chian meuh chuan rilru a dam sawng sawng a, an nih tur ang ni thei leh an thawh tur ang thawk theia an awm hi a lungawi thlak hlih hlih zawk a ni. Mahni lungawi lovin mite awt

Dawntisei

MI HLAWHCHHAM

-Dr. Vanlalvanga Ralte, Lecturer

Social Media ringtu, a rinchan **top up** ni erawh a chung a pik e. **Smartphone** kianga inphun, **internet** kama zung kai, tlakchhiatna lo thleng tur pawh hlauh nachang hre lo, **facebook** lama hring reng si, nu leh pa zilhna pawisa lo, **Insta** thulh chuang si lo ang hi a ni ang.

Mi, hna thawk lova **online** reng chu mi a, tiaudup chung a in satu ang a ni a; a dam laiin a thiante'n an thansan ang a, a tawpah chuan mi hlawhchham a lo ni mai ang.

HSLC RESULT CHHUAKA KAN SCHOOL DINHMUN

Nimina HSLC 2024 Result tihchhuah takah khan kan School atanga exam beitate'n result tha tak an nei a, kan lawmpui tak meuh a ni. Hetiang hi kan School dinhmun chu a ni e:

No. of Distinction	: 42
No. of First Division	: 128
No. of Second Division	: 95
No. of Third Division	: 8
Total No. of Passed	: 273
Total No. of Failed	: 11
No. of Appeared	: 284
Compartment	: 0
Total No. of Student	: 284
Pass Percentage	: 96.13%

PU TAWMA IN

America rama bawih chhuah tirtu leh mipuite thinlung hneh em emtua an ngaih ber chu Harriet Beecher Stow-i lehkhahu ziah **Uncle Tom's Cabin** (Pu Tawma in) kha a ni e an ti. Kha lehkhahu kha mite'n an chhiarin bawihthe dinhmun chhiatzia leh an khawngaihthlakziate an hriat chhuah phah a. Mihring ve tho, an dikna chanvo pawh nei thei lova salbeh tlat an nihna laite an hria a. Chu chuan bawih neih duh lohna nasa takin a neihtir ta a. An President ropui tak Abraham Lincoln-a'n kum 1863-ah bawih chhuahna thu a chhuah ta hial a ni. Matthew Arnold-a chuan, "England hi a hla neihte hian a tih ropui ang tluka tiropuitu thil eng mah a awm lo," tiin a lo sawi hial a. Chu vangin, thu leh hla tha chuan mimal nun mai bakah hnam pum nun a siam tha tel thei a ni. (-Editor)

reng rengin hun hmang mah ila, kan thih ni thlengin mi dangah kan inlet dawn lo a, keimahni hi kan ni reng dawn a ni. Chuvangin kan hlutnate chawi sanga zah thiam, kan theihna leh tangkai ve na-te tipung zel a, *Siamtu* min siam dana lungawi mai hi a fuh zawk a, a finthlak in a tha ber bawk a ni.